

NO. 64

A. Source: O f.20v-21¹

B. Bibliography: SR 116, L 265-246, MW 902-6
Ed: B 48

C. Structures: a) Melody: A A B
b) Poem: a(10-4) b(10₄) a b b a b a
c) Stanzas: O: 1-5

D. a) Poetic type: chanson
c) Place named: Bourgogne
e) P-M term: chanson

E. a) mode: V
b) rh. mode: 3

1. Bien doi chan - ter, quant di - re le me doi - gne;
 3. si chan - te - rai, co - ment qu'il m'en a - vei - gne,

2. ma dame, a - cui je me doing li - ge - ment;
 4. car re - fu - ser n'os son co - man - de - ment.

5. Pri - e - rai li a l'en - co - men - ce - ment

6. de ma chan - çon qu'a a - mi me re - tain - gne;

7. et se mes cuers aim - me plus hau - te - ment

8. qu'a moi n'a - fiert, qu'en de - spit ne le prein - gne.

No.64-3

1. Bien doi chanter, quant dire le me doigne
 ma dame, a cui je me doing ligement;
 si chanterai, coment qu'il m'en aveigne,
 car refuser n'os son comandement.
 Prièrai li a l'encomencement 5
 de ma chançon qu'a ami me reteingne;
 et se mes cuers aimme plus hautement
 qu'a moi n'afiert, qu'en despit ne le preingne.
2. Douce damè, en despit ne vos veingne,
 se vos avez mon cuer entierement; 10
 se je sui bas et vos estes hauteingne,
 servirai vos toz jors plus humlement.
 Vostre beautez, vostre contenment,
 vostre valors e vos amer m'enseingne;
 et quant j'en ai si bon einsegnement 15
 mieuz vuil morir que d'amer me refraigne.
3. Sanz refraindre est bien droiz que je mainteigne
 l'amor qui m'a sopris si durement;
 n'est jors ne nuiz qu'adés ne me destreingne;
 si en morrai, ne puet estre autrement, 20
 car point n'i voi de mon alegement.
 Je nou di pas por ce que je m'en pleingne;
 la mort sosfrir vuil debonairement;
 si m'avra mort la moillor de Borgoigne.
4. N'est droiz que nuns a haute amor ateingne, 25
 qui toz meschiez n'en soffre bonement;
 car soffrance lëaul cuer d'ami moinne
 a sa joië, a son avancement.
 Quant par sosfrir vient on outreement
 a son voloir, n'est droiz qu'en moi remaigne; 30
 ainz sosfrerai mon mal et mon torment
 tant que de moi pitiez ma dame preingne.

NOTES

5. Douce dame, de pitié vos soveingne,
 si atendrai merci seürement
 se nuns la doit avoir de sa compaigne 35
 por bien amer ne servir lëaument.
 S'en vos ne truis confort prochainement
 de ma dolor, ne sai ou me compleingne,
 qu'Amours m'ocit si outrajousement;
 con plus i pans, plus m'est joie lointeingne. 40
- a) Music:
 1. O, m.n., but inconsistently: a) brevis;
 b) longa; c) n.r.; d) a sharp wr.
- b) Text:
 st.4: 28:6 *avacement*
 st.5: 33:1 no large in.